

4 هارون عليه السلام يحذرنا من الشماتة

شوقى عبدالصادق

الحمد لله الواحد الأحد الفرد الصمد الذي لم يلد ولم يولد ولم يكن له كفوا أحد وشهد أن لا إله إلا الله وحده لا شريك له. أول فليس قبله شيء - [00:00:01](#)

واخر فليس بعده شيء وظاهر فليس فوقه شيء وباطن فليس دونه شيء. وهو على كل شيء قادر. وشهد أن سيدنا وأمامنا وعظيمنا وقدوتنا ومعلمنا ومرشدنا رسول الله صلى الله تعالى عليه واله وصحبه وسلم وبعد - [00:00:23](#)

سيدنا هارون يحذرنا من الشماتة سيدنا هارون يحذرنا من الشماتة لابد أن نعرف أولاً من الآيات ديت احنا هنترض لها وهذه الآية تحديداً في سورة الأعراف ما تناط موسى ولا تناط هارون ولا تناط بني إسرائيل إنما تناطنا نحن - [00:00:48](#)
انها آيات عندنا في القرآن واحنا اللي مكلفين بالقرآن بتكلمنا احنا والحوار اللي دار يقصدنا نحن لا يقصد موسى ولا هارون. لأن موسى هارون خلاص افضوا إلى الله عز وجل - [00:01:19](#)

لا فيه نصائح هتوصل لهم ولا حاجة هتوصل لهم ولا منهج جديد هيسيروا عليه الكلام ده لنا احنا يبقى لازم الآيات دي مش دي بس كل الآيات. المقصود فيها نحن - [00:01:38](#)

ولذلك اخترت أن سيدنا هارون يحذرنا هو ما له وما لنا لأ طبعاً مش مال وما لنا سيدنا هاروننبي ونحن مأمورين باتباعه وباتباع النبي عليه الصلاة والسلام. لأن الله قال بعد ان ذكر - [00:01:55](#)

ثمانية عشر نبياً في سورة الأعراف وفي سورة الانعام أولئك الذين هدى الله عندنا سيدنا هارون يحذرنا من الشماتة في آية تقربياً مية ستة وخمسين من سورة الأعراف اللي هندور حوالياها ان شاء الله. نسأل الله ان يفهمنا ويعلمنا - [00:02:13](#)

ولما رجع موسى إلى قومه غضبان اسفاق قال يا قوم غضبان زعلان حزين عنده معلومات كما قلنا في الخطبة السابقة بان قومه فتنوا اختبروا ورسبوا فتنهم السامي ففتنوا يعني في استعداد نفسي زي الناس دلوقتي - [00:02:41](#)

استعداد نفسي للفتنة فتننة تزهريمشي وراها الناس اهل العلم يصدوهم ما يصدوا يرجعوهم ما يرجعوش ما يرجعوا واصلهم السامي استعداد للفتنة فلما موسى عليه الصلاة والسلام رجع القى الالواح - [00:03:09](#)

واخذ برأس أخيه يجره إليه قال ابن ام ان القوم استضعفوني وكادوا يقتلوني فلا تشممت بي الاعداء ولا تجعلني مع القوم الظالمين اخذ برأس أخيه يجره. في سورة طه لا تأخذ بلحيتي - [00:03:38](#)

ولا برأسى والكلام كله بيكمel بعضه. يبقى مد يدا على رأسه شعره يعني ويدا على لحيته لا تأخذ بلحيتي ولا برأسى. دي في سورة طه. هنا الرأس فقط لم يذكر اللحية - [00:04:11](#)

يفهم من هذا ان لحية سيدنا هارون طويلة تعرف تمسمكها وتقبضها بيديك وفيها باقي وده من ادلة القرآن على اطلاق اللحية وما في داعي للتعمق وفي الدليل والحكاية والرواية ودي سنة وفضيلة زي النقاب كده له فرض ولا مفروض ولا مرفوض ولا كلام كتير - [00:04:36](#)

يا هيئة الانبياء. حتى النصارى اللي بيقولوا احنا متمسكون بدين عيسى تلاقيهم اطلق لحيته واليهود اللي بيقولوا احنا متمسكون بدين موسى اطلاقاً حبر حاخام وبيضفروها كمان قال فاين من يتمسك بسنة سيد الانام - [00:05:08](#)
ما تلفش وتدور. ما تلفش وتدور لك على رخصة ولا على شيخ معلول ولا رخصة ولا شيخ معلول. كلامه معلول مردود المنزرة ده منزرة الانبياء من غضبه يد على رأسه على شعر رأسه ويد على لحيته - [00:05:33](#)

القرآن يصور شدة الغضب. وبيزلزل هارون عليه الصلاة والسلام اين معنى في الاعراف القى اللواح واخذ برأس اخيه يجره اليه. الله! يبقى ما لكم ما عارف يمسكوا ويجروا. بشعر اللحية يجر يجروا. وشعر الرأس - 00:05:57

لا تأخذ بلحيتي ولا برأسني هناك خشيت ان تقول فرقت واتكلمنا عنها. هنا بقى واخذ برأس اخيه يجره اليه قال ابن امة ان القوم استضعفوني. شف المراارة واتكلمنا على المسألة دي - 00:06:23

استضعفوني وكادوا يقتلوني فلا تشممت هي دي بقى اللي احنا هنقف معها شوية بي الاعداء فلا تشممت بي المعنى. اول درس الدرس الاول قبول النصيحة على كل مسلم ومسلمة يقبل النصيحة - 00:06:45

طالما عرفت ان دي نصيحة واللي بيحذرني ده ناصح امين لابد ان تقبل النصيحة ايه الدليل؟ مين اللي بينصح مين؟ هارون ينصح موسى. ايهمما اعلى في الرتبة؟ موسى قولا واحدا. اعلى في الرتبة من - 00:07:09

هارون وهارون ينصح؟ ايوة وموسى يقبل النصيحة؟ نعم. ايه الدليل؟ سكت. عشان ايده في سورة طه الدليل عليه نور شال ايده من على اخيه اتوجه لمين؟ قال فما خطبك يا ايها الملعون؟ ايه اللي انت عملته؟ خلاص تبقى - 00:07:27

سبقه مجاملة لأخوه عمل اللي عليه وبيحرزه ويقول له مش كده ليه؟ هتشمت بي الاعداء؟ ده انا قلت لك كادوا يقتلوني - 00:07:51

عاوز اقول لك ايه تقادوا يقتلوني استضعفوني قال ايه الصح اللي انا بعمله ده الاید من على اخيه. واتوجه لرأس الفتنة تم خطبك؟ قال فما خطبك؟ يا سامي بتقبل النصيحة - 00:08:13

وان كان اللي بينصحك اقل منك علما مالا واجهة اجتماعية مش زيك خالص انت ريق انت بييه انت شيخ كبير انت مطنطن بس اللي بينصحك ده اللي منك في كل ده - 00:08:31

ودي فعلا كلامه فيه مصلحة. ما تقبلها يا اخي اقبلها يا اخي ده انت انت كبير. وما له واللي واحد واحد من الرعية ومن ايه ومن ومن السفلة يعني الناس اللي تحت وانا به كبيرة قوي - 00:08:46

لم يتسمع. طب ما تقبل النصيحة مهم قوي يا اخواننا قبلو النصيحة وان كان الناصح اقل رتبة من المنصوح وهو ده سيدنا محمد برضو. بيعلمنا وهو نازل من مكان العلي اللي ما حداش وصل له ابدا - 00:09:04

من انس والجن ولا ملائكة والله عز وجل يكلمه بدون بواسطة ويفرض عليه الصلوات الخمسين من اللي نصحه يطلب التخفيف. هو موسى الله اكبر. يعني موسى عندنا في التيه وموسى معنا فين - 00:09:25

ايديني فوق الشمال الخامسة او الرابعة هنا منصوح وهناك ناصح من اخيه منصوح. اخوه اقله منه في الرتبة. وهو فوق في السما بينصح سيدنا النبي. وهو اقل منه في الرتبة - 00:09:48

وسيدنا النبي ما قالوش خليك في حالك حلوين اوي الخمسين صحيح ارجع اسأل ربى التخفيف وسأل ربى التكفير. ارجع تاني وتالت ورابع كل مرة عشرة عشرة اربع مرات اهم والمرة الخامسة خمسة وفضلوا الایه؟ الخامس - 00:10:06

الدرس الاول اقبل النصيحة هو اللي مودينا في داهية ايه؟ هو النصيحة. عدم وجود نصيحة. ما فيش نصيحة من اصله ولو وجدت النصيحة مرفوضة. ادي له النصيحة. قلنا لمن - 00:10:30

قال لله ولرسوله ولائمة المسلمين اقبلوا النصيحة يا ائمة المسلمين ما تقبلوا البال والنصيحة لأ النصيحة ارمي حطه في السجن. طب ليه ما تقبل مني النصيحة النصيحة ما لها ونفزاها في يوم ما - 00:10:44

انما ليه ليه بتسكنني ليه؟ ما بتسبنيش انصحك ليه؟ اديني فرصة. زي ما كان الخلفاء كده. يدخل عليهم عالم ويقول له عظمة قل لنا اي حاجة تررق قلوبنا. يوعظه يبكي. ايه ده انت ابكيت الامام؟ ابكيت الرئيس؟ ايوا ابكيه امال ايه - 00:11:04

ابكي ما يبكيش ليه؟ يبكي عشان يفوق. انا خايف عليه. انا باحبه. انا مخلص له. عاوز يخش الجنـة. مش يطلب عشان يترمي في النار لأ انصحه وعليه وارخر يقبل انا. هو احسن من مين؟ احسن من سيدنا موسى؟ احسن من سيدنا محمد؟ ما هم قبلوا النصيحة - 00:11:26

يبقى قبل النصيحة لهم درس الثاني الشماتة. ايه هي الشماتة الاول؟ ما معنى الشمال؟ الشماتة الفرج. ببلية بمصيبة تنزل بمن تعاديه ويعاديك هو في حد خلى فينا من العدو كلنا لنا اعداء وحباب. كلنا الانبياء والرب العزة سبحانه له اعداء وله احباب - 00:11:50 طب انت عاوز ايه تاني بقى الشماتة يعني ايه؟ افرح ببلية تنزل بمين؟ بعدوي انا بعدديه وهو بيعاديوني فنزلت به بلوى. مصيبة حلت عليه. افرح دى الشماتة اه فعاوزين بقى نوجها ونشوفها تمشي معنا ازاى - 00:12:18

ده معنى الشماتة في اللغة تسميت العاطس معناه ايه لما واحد بيعطش بنقول له ايه؟ يرحمك الله. سماها في الفقه الاسلامي تسميت العاطس. يعني ايه؟ يا بادعو له بان ما حدش يشمت فيه. الله! ودي في اه امال ايه - 00:12:40

له اعداء عاوزين نشوفه في يوم متكسح ومرىض وفي العناية المركزه ويموت ويخلص منه اعداء فه بيعطش بقى هه بداية المرض جاية اهي. اهي البشائر جاية اهي. الكورونا جت اهي. اه الحق هيموت بقى - 00:13:02

قريب اهو ونرتاح منه. فاقول له يرحمك الله من ايه من المرض ما يجييش ناحيتك الاعداء ما شمتوش فيه هو ده تسميت العاطس تشويف العاطس الشماتة الفرج سيدنا هارون بيقول لسيدنا موسى لأ بلاش كده ما تشمتهمش - 00:13:23

الدرس السادس قل له فلا تشبث بي الاعداء. اعداء! وانت لك اعداء ده هو بالنسبة لبني اسرائيل البسلم البسلم هارون عليه بالنسبة لبني اسرائيل بسلم حنين قوي ووديع خالص مش زي سيدنا موسى لا لا لا ومع ذلك له اعداء - 00:13:49

فلتشمت بي. طب ما قالش بنا ليه بيا انا لوحدي ايو ليه؟ لانه كان من ساعات بسيطة جدا بينه وبين الناس دولة وسورة ايه هي؟ العجل وانا بقول لهم لأ وهو بيكول الا العجل. يا جماعة يقولوا الا العجل - 00:14:13

كادوا يقتلونني فهم دول هيشمتوا بي بقى ما تخلبهمش يشمتوا بي واكيد طبعا انا متخيل الصورة قدامي حية تماما. متخيل ان فعلنا سيدنا موسى وهو ماسك سيدنا هارون بيزلزله هم بقى بيتصوا بيقولوا ايه؟ تستاهل في نفسهم حتى المتكلموش. يقولوا تستاهل عشان تاني مرة ما تجييش ناحية سيدهم العجل تستاهل بركات - 00:14:37

العجل شف عملت فيك ايه؟ اهي بركات العجل اهو. اهو سر العجل اهو. شف اخوك بيعمل فيك ايه؟ اه اكيد بيقولوا كده. ولا ايه انا مستعد احلف يمين بالله على كده. لاني باشوف الكلام ده في حياتنا. يحصل لك حاجة! اهو شف مش انت اتكلمت على على الاولاء الصالحين! اهو جرى لك اهو. عربتك طست - 00:15:01

ابنك سقط مش كده بركات بركات وسر مين؟ سر المعبودات فهم بيشمتوا بقى. فهم انا شايفهم كده وقاعدin وسيدنا هارون سيدنا موسى بيزلزل سيدنا هارون وهم فرحانين قوي لأ هو شو بقى يلا استاهل تيجي تستاهل اللي يجري لك - 00:15:21

زود كمان يا موسى. ها؟ ايوة. زي دلوقتي برضه كده اي حاجة احصائية يجي البوكس ياخدك تستاهل. ليه يا جماعة؟ انا عملت ايه؟ تهمتي ايه؟ ما تسكت لا حول ولا قوة الا بالله - 00:15:41

فبقول له الاعداء قاعدin اهم الاعداء هنا بقى سيدنا هارون يقصد مين؟ مين الاعداء واعداء ليه يا هارون؟ عليك الصلاة والسلام. ليه 00:15:59 اعداء؟ طبعا. الله! والعداوة جت منين؟ الله! قالت له انا باقول لهم الحق اهو مش عاوزين يسمعوا الكلام. باقول لهم -

بلاش العجل ده ولو الا العجل. الا المعبود اللي احنا عملناه وقدسناه وعظمناه. بقى الاعداء في الاية مين عبده العجل ابو هل ينفع

يبقى نبي ووديع وحليم زي سيدنا هارون كده ويبيقى له قعدة ايوة امال ايه طبعا. سنة ربنا كده - 00:16:17

وكذلك جعلنا لكلنبي عدوا شياطين الانس والجن يوحى بعضهم الى بعض زخرف القول وكذلك جعلنا لكلنبي عدوا من المجرمين.

لا الله الا الله قل لي اخي سيدنا يحيى لما ربنا يقول عنه وحنانا من لدنه وزكاة - 00:16:38

حنانا من هو حنانا ده؟ حنانا سيدنا يحيى سيدنا يحيى قتلت حنان. ايه ده؟ حنانا وحنانا من لدن وزكاته وكان تقىا وبرا بوالديه ولم يكن جbara عصيا. يحيى يحيى كتلة حنان كده - 00:17:06

يبتقتل ليه كلنبي له عدو اعداء سيدنا النبي بقى سيدنا النبي اللي رحم العالمين له اعداء ايوة له اعداء. اعداء بقى ما يخطبواش لك على بال خالص وهم عمرهم ما قالوا احنا اعداء النبي. بس لما نيجي ننزل الاليات دي عليهم. تنزل ولا ما تنزلش؟ فكر انت بقى وابقى شفها واقعد مع نفسك. واقراها عاوز تغلط. ما هي مش محتاجة - 00:17:28

ايه رأي ايه اعداء النبي اي حد يخالف النبي من الاخر اعداء النبي المخالفون للنبي طيب عملنا ضريح لحفيد النبي سيدنا الحسين.
عشان ايه؟ عشان نبسط النبي مش كده برضو ولا ايه؟ احنا عاملين ضريح ليه؟ بنكرم حفيد النبي - 00:17:54
يا اخي ده الرسول قال عليه وقاله ماشي. عملنا له ضريح فيها ايه يعني؟ ونروح نزوره ما فيش مانع. وننادي عليه ونعمل له ندر
ونعمل له ونعمل له كده بتحبوا النبي ولا انت اعداء النبي؟ - 00:18:22

شف هتمشي ازاي ايه الفرق بين الضريح والعدل ما هو دى ينادوا عليه وده نادوا عليه. دى لفة حوله ورقصوا وده لف حوله ورقصوا
ايه الفرق؟ وبعدين لو انت بتحب النبي مش تتبع سنته - 00:18:37

اخوالى النبي فين؟ اخوال العفو. اخوال الحسين فين؟ المفروض بيقى لهم ست تلات اضرحة وحالات الحسين فيه. المفروض بيقى
فيه تلات اضرحة كمان. بيقى عندنا ستة التلاتة الاخوانة وتلاتة لحالاتي - 00:18:54

اخواله سيدنا عبدالله سيدنا القاسم وسيدنا ابراهيم كلهم ماتوا صغارا المفروض نعمل لهم برضه الرسول يعمل لهم تلات اضرحة كده
ولاده يا اخي حبابيه يا اخي ده بكى على سيدنا ابراهيم والصحابة قالوا ازاي تبكي - 00:19:13

انت يا رسول الله كمان! طب سبها لنا احنا دى ها سيدنا ابراهيم وانا على فراشك يا ابراهيم وبعدين فين خالاته؟ عنده تلات حالات
السيدة رقية السيدة ام كلسوم والسيدة زينب ماتوا التلاتة والرسول عايش حي يرزق - 00:19:32

طب تعال على ام الحسين الرسول ما عملش ست اضرحة هو كان مفروض يعمل ست اضرحة اللي بيحبه النبي شافه النبي عمل
فييعلموا زيه. طب قام يعمل تلاتة لاخواله وتلاتة لحالاته. هو الحسين برضو مش آآ يعني هم دول - 00:19:51

وبعدين فين امه؟ امه ماتت بعد الرسول بست اشهر. طب فين ابو بكر؟ ما يصومش عشرة الرسول وصحبة الرسول ويعمل لها ضريح
هو عمر وسيدنا علي عايش ويقف ويناولهم وينبوا لها حاجة كيلو تليق بمقام السيدة فاطمة ام الحسين يا جدع - 00:20:07

ابدا. بيقى مين اعداء النبي بقى عرفت مين اعداء النبي ولا هعرفك ايه تاني؟ عرفت مين اعداء النبي؟ النظم والقوانين والدستير
الناس اللي حطوها بيحطوها ليه؟ عشان يلغى الشرع ده - 00:20:27

ونمشي ده. طب ليه ده بيتلغي؟ لانه فيه قسوة. فيه قسوة في قطع ايد بيقى عطلنا الانتاج. فيه جلد وردم بيقى فضحنا الناس.
وربك ستار او ستير. اومال فيه ايه - 00:20:43

انت عازيني بالزبط. عازين نمشيها كده وخلاص مننا فينا. وبعدين بقى هنطبق الحدود الحدود ما بتتجاملش حد. انما فيه ناس فوق
النص احنا هنزل كل الناس تحت النص الشرعي مش هيمنفع. لان في استنسنا - 00:20:59

ما فيش تيسنا حتى في جمع الاموال برضو وفي استنسنا ده اعفاء وده مش اعفاء ما فيش تيسنا في ناس فوق النص لكن في الشرع
ما فيش حد فوق نصه. كله تحت الناس. لا احنا مش عازين بقى الشرع ده لانه هينزل الكل تحت النص. احنا عازين بيقى فيه ناس
فوق وناس تحت - 00:21:16

مين اعداء النبي؟ اقول لك مين اعداء النبي تاني؟ عاوز تفهم ايه مين اعداء النبي؟ وكذلك جعلنا لكلنبي عدوا سورة الفرقان من
المجرمين هنا بقى سيدنا هارون كله فلا تشم - 00:21:35

فيها الاعداء يا اخوانا في الآيات دى وغیرها من الآيات صنفان رکز معی. صنفان سيدنا هارون بيقول لنا احنا بیحرزنا من
الشماتة ان الاعداء يشمتوا فينا مين بقى الاعداء؟ - 00:21:57

من الآية دى وغیرها الاعداء صنفان صنف زاهر مميز معروف دول اعداء. ما فيش فصال فيهم لتجدن اشد الناس عداوة للذين
امنوا اليهود والذين اشركوا. ولتجدن اقربهم مودة الذين امنوا الذين قالوا النصارى - 00:22:17

يا ايها الذين امنوا لا تتخذوا عدوكم اولياء. بيقى اعداء اهو. كل غير المسلمين اعداء للمسلمين كل ما ليس بمسلم عادوا
للمسلمين. بيقى صف مميز بيقى نعمل فيه ايه بقى؟ ما نخليهوش يشمت فينا - 00:22:40

يعني ما يفرحش. طب وهيفرح ليه من البليه اللي بتبقى فينا زي ايه؟ هيفرحوا لما يلاقوا شبابنا انحرف شبابنا ضال يفرحوا لما يلاقوا
نسائنا انحرفوا يا فرحوا لما يلاقوا ناس بترتد عن الدين - 00:23:02

يفرحوا لما يلاقوا ناس بتنسلخ من الدين يفرحوا لما يلاقوا المسلمين بيقاتلوا بعضهم اما باللسان او بالسنان يعني بالسلاح قتال باللسان زي ما انت شايف على الفضائيات بئست الدعوة وبئس الدعاة. اللي يخرجوا كل همه يجرح في المسلمين - 00:23:24
يبين عيوب بعض الناس. او طوائف من المسلمين. هو ده همك؟ اه. بي عمل ايه؟ ليل ونهار ما يزرع الابغضاء الكراهية بين المسلمين.
ليه يكره ده؟ وده ينجز ده وده يخاصم ده. ليه؟ هو العلم الجديد كده - 00:23:52

العلم الجديد ازا اردت الاحسان ان تسمع لفلان وفلان تبغض فلان وفلان هو ده الدين الجديد. دين بقى مبني على البغض والكراهية.
او عى تكون فاهم ان اللي بيحصل ده عن جهل - 00:24:12

والله عن عيني وعن مراقبة دقيقة. كل اللي بتشويفه بوسائل الوسائل الحديسة دي بتروح في غرف ادارة ادارة فيس ادارة نت ادارة
زفت. ادارات وكل الحاجات دي مراقبة وبتحلل والمؤشر كده كوييس. احنا ماشيين كده الصح. عمالين يفسقوا بعضهم اهم. بيبعدوا
بعض. بيكرروا بعض. طب ما تيلا ما تمسكوا السلاح مشوا - 00:24:29

قتلوا بعضكم يقتل كده كوييس. العملية هديت وهديت ليه؟ شعللها شعلل. اتشعل. اللي هنا دي حته هديت في في المكان الفلانى
اشعلها. طب الحته دي ما فيهاش حركة خالص. اعمل فيها حركة. هو ده شماتة الاعداء. الصف المميز بقى - 00:24:59
الصف المميز دول قاعدين بقى لنا كده احنا بنعمل ايه؟ بنشتت بنا الاعداء. اي اعداء؟ كل ما ليس بمسلم. ده الصف المميز بقى. الصنف
الثاني بقى قسمة يبقى عدو زاهر مميز اللي هم غيروا المسلمين. يهود ونصارى ومشركين وعياد بقر وكل الملل اللي انت شايفها دول
اعداء لنا - 00:25:17

شئنا ام ابينا. حبيناهم وطبطينا عليهم وعيينا عليهم وخدناهم بالاحسان هو عدوكم يا حبيبي. تفهم ما تفهمش انت حر قرآننا وربنا قال
لنا كده هنفهم ما نفهمش انتم حرين. بس هو وضح لنا قال لا تتخروا عدوكم وعدوكم - 00:25:43
اولياء الصنف الثاني بقى صنف خفي قسمان قسم خفي ما تعرفش تطلعه بس يزهير لك باقوله وافعاله زي صنف المنافقين
طبعا انت ما تعرفش تشق كل قلبه تشوف فيه ايه - 00:26:03

طب قلبي المنافق ما انا مش هاعرف اجيده بس بيان بقى ولتعرفهم في لحن القول بيان عليه حاجات اذن فئة منه افعال تقول عليه
انه منافق انت مش قادر تحكم - 00:26:27

انه لابس لباس الاسلام وفي وسط المسلمين ده اخطر بقى من العدو المميز اخطر من العدو المميز هناك في العدو المميز ده ربنا قال
عدوي وعدوكم عداوة اشد الناس عداوة. عندي دي بقى رب العزة عرفه - 00:26:44
محطة الف لام عند المنافقين بالزات عرفهم. هناك لا تتخروا عدوكم وعدوكم كده. بدون الف ولا الم. عند دي حط الف ولا الم المنافقون
يقول عنهم رب العزة هم العدو. فاحذرهم قاتلهم الله. بيعملوا ايه بقى - 00:27:05

حشمتوا طبعا. فلا تشتت بي الاعداء انا عاوز الاية دي الاية دي مش موجهة لسيدنا سيدنا موسى هي موجهة في حكاية القرآن. يعني
القرآن لما بيحكى الحوار هي اه موجهة. لكن هي هي موجهة لنا اصلا - 00:27:28

فانت كده تقول لاخيك المسلم وتبقى انت في قراره نفسك لا تشتت به. اي باخيك المسلم الاعداء اعداء جوة الصف واعداء خارج
الصف اللي خارج الصف عرفناهم. ما ليسوا من ليسوا ب المسلمين. اللي داخل الصف بقى - 00:27:46

المنافقون يشتمتهم ازا يفرحوا بنا قال يفرحوا بنا ما هم في وسطنا اصلا المسلمين يا اخوانا رتب رتب لما تقرأ سورة الحشر تلاقي
فيها ايه؟ للفقراء المهاجرين وبعدين والذين تبؤوا الدار والآيمان - 00:28:07

والذين جاءوا من بعدهم يقولون ربنا اغفر لنا والاخواننا بقى كده عودكم رتبة ثلاثة لحد الان رتبة المهاجرين دي ردة فوق وكلهم ماتوا
خلال. رتبة الانصار فوق وما توا الذين جاءوا من بعدهم اهو احنا بقى - 00:28:31

يقولون ربنا اغفر لنا دي الرتبة الثالثة طب الرتبة الرابعة اللي انا باتكلم عليها دي بقى الم تروا الى الذين نافقوا يقولون لاخوانهم الذين
كفروا من اهل الكتاب هم دول بقى - 00:28:48

بيعملوا ايه بقى؟ بيشتموا بيشتموا مين؟ بيشتموا بالرتبة الثالثة. الذين جاءوا من بعدهم من بعد المهاجرين والانصار. امال دول

منين دول ؟ لأ دول موجودين جاءوا بعد المهاجرين والانصار في التاريخ. في الترتيب بس هم لا مع من لا مع المهاجرين ولا الانصار.
ولا مع الذين - 00:29:02

حين جاءوا من بعدهم امال هم ايه ؟ لاخوانهم الذين كفروا يشمت بك بقى لما نيجي نصف برضه المسلمين يقول لك مسلا ده ملتزم
ده متمسك بدينه ده كذا ده كده اي كلام في اي كلام - 00:29:22

ايه ده يعني ! بتلاقي كده ولما تلاقي واحد ماسك على دينه له اعداء ومنتزرين يوم اسود فيه منتزرين له يوم اسود.
يطلق مراته يتقبض عليه مصيبة تجارتة تخسر - 00:29:35

اخوه يدبحه هو يدبح اخوه. ليه كده ؟ هو كده. هو كده. ما هو هم جوة الصف. ورب العالمين بيقول هم العدو فاحذرهم. قاتلهم الله
هم هم اللي عملوا كده في حياة النبي. مش هاقول لك مسلا فرحوا ان فلان قتل فلان قالوا لأ ده احنا هنقتل النبي شخصيا -
00:29:56

صلى الله عليه وسلم ولقد قالوا كلمة الكفر وكفروا بعد اسلامهم. وهموا بم لم ينالوا همه همه بقتل باغتياله انت عاوز عاوز اكتر من
كده بقى عاوز اكتر من كده - 00:30:22

وبعدين اتكلموا على عرض النبي رئيسهم لما يشوف السيدة عائشة نازلة من الهودج وفلان كان ساحب الجمل قال عمرها ما تسلمش
منه ولا هيسلم منها. معقول ! ايوة انت عارف دي مرات مين - 00:30:41

عرض زوجة مين دي ؟ زي عارف عارف دي مين يا ؟ ايوة عاد. ده امك عائشة دي امك النبي اولى بالمؤمنين من نفسه. بس انت مش
منهم وازواجهم امهاتهم. طب ما انت مش منهم صحيح - 00:30:59

يقول دي امك امك اللي نازلة دي امك امسك ها شبع قل كلم ضجة في المدينة ضجة هي دي الفرح بليلة تنزل من يعاديك. مين اللي
بيعادي مين ؟ ابن سلول - 00:31:20

عاد الرسول صلى الله عليه وسلم. فهو خلق بليلة. ما فيش بلوى عند النبي عليه الصلاة والسلام اسامة بن سلول
خلق البليلة. جاب البليلة من حيس لا. كده يعني. اه - 00:31:45

الصنف ده صنف عجيب اوبي وبيشمت بنا ايوة فكل الناس الافضل اللي هم يعني متمسكين بالدين لازم تعرف ان هيتكلموا عليك.
هيتنزروا لك زي ما باقول لك كده يوم اسود. في اي حاجة بقى في ما لك في - 00:32:03
ذلك في صحتك بسمعتك اي حاجة في ناس قاعدين متربصين لك. فما تشمتش الاعداء بك ولا باخيك خلي بالك من دي لان سيدنا
هارون حزرك من اكتر من كم الف سنة - 00:32:18

قل فلا تشممت. واقبل النصيحة يا اخي موسى عليه السلام قبل النصيحة ولم يشمت الاعداء باخيه هارون، عليهما الصلاة والسلام
الغريب بقى سيدنا النبي يجدد الموضوع مسألة عدم شماتة الاعداء - 00:32:36

المنافقون يا اخواننا طبعا الرسول مأمور ما يقتلهمش. مأمور ما تقتلوش. مهما عملوا مهما عملوا. ربنا قال له وجاهد الكفار والمنافقين
واغلز عليه. يجاهد المنافقين بايه ؟ باللسان ينزل عليه الآيات يفضحهم. تنزل عليه الآيات يقول - 00:32:54

يحذر المنافقون ان تنزل عليهم سورة تبأهم بما في قلوبهم. بتطلع اللي جوة وهي دي الجهاد بقى. اما الكفار بالسلاح وممنوع
الرسول يشمت الناس العدو اللي برة بالصف بتعاه - 00:33:13

عشان نخلي بالننا من دي قوي ازاي رواه البخاري ومسلم من حديس جابر بن عبد الله هل كنا مع النبي صلى الله عليه وسلم في غزوة
في غزة. غزوة فكسع رجل من المهاجرين رجلا من الانصار - 00:33:31

فقال الانصاري يا للانصار وقال المهاجر يا للمهاجرين فسمع ذلك النبي صلى الله عليه وسلم يقال ما بال دعوى الجاهلية قالوا يا رسول
الله تسع رجل من المهاجرين رجلا من الانصار. فقال النبي صلى الله عليه وسلم دعوها فانها منتنة - 00:33:55
فسمع بذلك عبدالله بن ابي. فقال فعلوها لان رجعنا الى المدينة ليخرجن الاعز منها الاذل فبلغ ذلك النبي صلى الله عليه وسلم. فقام
عمر وقال يا رسول الله مني ان اضرب عنق هذا المنافق - 00:34:26

قال دعه لا يتتحدث الناس ان محمدًا صلى الله عليه وسلم يقتل اصحابه اهي دي الشاهد بتاعنا على الشهادة اولاً الرسول ما اعترضش على قتل ابن سلول وما اصدرش امر - [00:34:54](#)

واخد بالك الاعتراض ما اعترضش لان الرسول عمره ما يكون فيه باطل ويستكت عليه. قتل ابن سلول حق. كان ما امرش به ليه؟ لا في حاجز ومانع يمنع من الامر بذلك - [00:35:21](#)

ليه؟ هو قال كده، هو قال في الحديث كده طبعاً تسعى يعني ايه؟ ضربه على المؤخرة جماعة من المهاجرين ومن الانصار يتزاهموا على مية على بير مية دي يسقي الاول ده يسقي كذا اتزاحمو. الشيطان عمل شغل واحد من المهاجرين ضرب واحد من الانصار على - [00:35:34](#)

يعني ضربه على مؤخرته فغضب الانصارى يعمل ايه؟ ينادي على مين؟ على الانصار. تعالوا الحقونى يعني. يا اهل الانصار. قالوا طب والمهاجر بقى الانصار هيبجوا يضربوه ده ينادي على مين؟ ينادي على المهاجرين. يا للمهاجرين تعالوا الحقونى - [00:35:51](#)
النداء ده الرسول سمعه وقال ما بال دعوة سمع يا يا مهاجرين ويا انصار مش يا مسلمين. يعني يا مصريين يا سودانيين يا سوريين يا ليبين. ما هي دي دعوة جاهلية. دعوها فانها - [00:36:10](#)

مش كل دول مسلمين لا لا كل واحد معه معه جنسيته معه هويته الله يعني انا مسلم مسلم اهم حاجة انا مسلم لا لا هويتك ايه الاول - [00:36:23](#)

معك هوية اه معك هوية اه انا مع هوتي مسلا مصرا لقوم ام الحرم فز. انا هاويتي سعودي اقعد يا اخويا ومدد وخد راحتك. مش انت سعودي؟ اه ده البيت بتاعكم بتاع - [00:36:35](#)

اقعد اقعد براحتك. اما انا مصري جاي اطلع برة. اطلع برة كده دعوها فانها منتنة فهو بيقول لهم ايه اللي انا سامعه ده؟ دعوة جاهلية وانا عايش لسه صلوات الله وسلامه عليه - [00:36:47](#)

قالوا لي يا رسول الله واحد ضرب كذا قال لهم دعوها فانها منتنة. خلاص الموضوع خلص. دي منتنة الكلام وصل فين؟ فيه ناس بقى بيلغوا الحبابي راحوا بلغوا بلغوا مين؟ - [00:37:03](#)

بلغوا الجبهة الثانية بقى جبهة مين ان شاء الله جبهة ابن سلول اللي هو ايه ده بيشتغل ايه ابن سلول ده كان رئيس وبعدين اتاخت منه المريسة او كان هيبقى رئيس واتاخت منه المريسة وصعبان عليه يسيب المريسة. فراحوا قالوا له قالوا تصدق ضرب واحد من عندنا - [00:37:18](#)

في ضرب. اه المهاجرين الله! يعني مش المسلمين! الله! المهاجرين ينضرب واحد من عندنا قال فعلوها يعني وصلت كمان يضربونا الله! مين هم يا ابني مين هم؟ ده اخواتك المسلمين غلطة عادية - [00:37:38](#)

تحرش عادي خالص الشيطان عمله وعاوزين نقول عليه وانتهى الموضوع. لا دعوها فانها منتنة. ده انت مسلمين. ايه يعني غلطة وعدي لا قد فعلوها ما انت عاوز تعمل ايه يعني؟ لان رجعنا الى المدينة هاقلب النزام الدولة - [00:37:57](#)

ليخرجن الاعز منها الاذل. اطل محمد صلى الله عليه وسلم واللي معه طلعهم يمشوا يروحوا بلدتهم يروحوا مطرح ما بهم. يا سلام بالسهولة دي! اه وناسى الدنيا كلها وناسى الفتح وناسى العز والتمكين اللي ربنا مكته لهم - [00:38:19](#)

ليخرجن الاعز منها الاذل. ايه الكلام وصل لمين بقى لسيدنا النبي. سيدنا عمر موجود قال له ده قام واقف على طول يا رسول الله. يعني هو وقف يؤمرني يعني هيأخذ سيفه ويروح فوراً دعني اضرب عنق هزا المنافق - [00:38:38](#)

الراجل ده جوة الصف ولا برة الصف جوة الصف عبدالله ابن سلول ده في جوة الصف جوة الصف اديني امر يا رسول الله هشر لك رقبته. قال له لأ طب ليه - [00:38:55](#)

قال له الناس هتتكلم. مين الناس بقى؟ العدو اللي برة العدو اللي خارج الصف. يهود ونصارى ومشركين وكل دول هيقولوا ايه؟ هيقولوا محمد صلى الله عليه وسلم - [00:39:09](#)

بيأخذ الناس بعد ما يجندها ويقوى يقتلها اكيد الناس هتخاف مني وهتخاف من الاسلام. وما رضوش يخشوا الاسلام. لان بعد ما عدي

ييفو بقى خلص عليهم. لان الناس ما لهاش دعوة - 00:39:22

بالحصى قبل القرار الناس لها اخر حاجة ايه حاجة عليه الصلاة والسلام امر بقتل ابن سلول. احنا لنا دين. طب هو قتله ليه ؟ لاأ ما بنفتش. ما بنفتش - 00:39:38

هو ده حل الناس دلوقتي برضه كده اه قال لزوجته يا كزا. طب قال لها كزا ليه ؟ مسلا حد افهم البلكونة مسلا. حدفها ليه ؟ ما بنقولش حدفها ليه ؟ هو هدفها خلاص. امسك في حدفها. ده مية. ده - 00:39:54

في خيارات يا راجل وكمان شيخ وحذفها امسك في دي بقى وتبت. طب ليه ؟ لا من غير ليه ؟ ما نرجعش ورا. هي كده فالناس هتتحدس ان محمدًا قتل اصحابه. طب ليه اتقتل ؟ ما يقولوش ليه اتقتل - 00:40:11

ما بيقولوش ليه هنا الرسول خايف من شماتة مين ؟ من شماتة الاعداء يشمتوا فيه! ايوة هيشمتوا في النبي! ايوة ويشمتوا في الصف كله اهو لا يتتحدس الناس لا يتتحدس الناس ادنى محمدًا يقتل اصحابه. ما تقتلواش يا عمر سبه - 00:40:29

طيب طب ما الرسول ما قتلتش ويسيحق القتل. مين بقى اللي يقتله رب العالمين ولذلك في الآية في سورة المنافقون برضه هم العدو فاحذرهم قاتلهم الله ادنى يؤفكون. يبقى مين بقى اللي هيتولى - 00:40:52

عقاب الحساب رب العالمين ده العدو اللي هو خفي بس بيظهر من اقواله وافعاله. ما تشمتوش المنافقين يا اخواننا بنا الصف فيه منافق مليان منافقين ما تشمتهوش وبعدين في اعداء تانيين بقى مش باینین خالص وعمرنا ما هنعرف نوصل لهم. بس موجودين قولوا واحدا - 00:41:07

اقول من سمعتم واستغفر الله لي ولكم الحمد لله والصلوة والسلام على سيدنا رسول الله القسم الثاني من الصنف الثاني من الاعداء عدو خفي لا نراه اطلاقا. مين هو بقى ؟ ابليس - 00:41:33

واحفاده وطبعا له اعوام من الناس قال رب العزة في سورة الكهف افتتحذونه وذريته اولياء من دوني وهم لكم عدو بئس للظالمين بدلا وفي سورة فاطر ان الشيطان لكم عدو فاتخذوه عدوا انما يدعوه حزبه - 00:41:52

ليكونوا من اصحاب السعير مش عازفين يشمتوا فينا اللي هو يشمت فينا طبعا. يا هيفرح باي بلية واحد ما كنش كان بيصللي وبطل صلاة يا فرحة ابليس يا فرحة ابليس - 00:42:23

آآ الزواج بقى ها اللي نفسه حاجة يعملها يا فرحة ابليس اتجوز ما تتجوزش اتجوز اتلغى. يا فرحة ابليس او بlesh اتلغى نقول ايه بقى لا صعب يا فرحة ابليس - 00:42:39

الطلاق كتر يا فرحة ابليس ما هو الشامات يعني ايه يعني الفرح لا تشم بي الاعداء. الاعداء اللي احنا مش شايفينهم دول قاعدين باصين علينا برضو. يا سلام! ايوة انا ما اعرفش ان هم لهم شغله او لهم حاجة شاغلتهم ابدا في نزري ان هم ما لهمش شغله الا احنا - 00:42:55

لان لو اكيد لو هم لهم شغل يعني مسلا عندهم مصانع. عندهم ورش عندهم محاجر كنا نشوف حاجة تبات مسلا يعني حته مبنية كده اتبنت امتى دي ؟ يقول لك الشيطان بنوها. طب ما نروح نسكن فيها او هم يسكنوا حد فيها بس لاأ ما انا ما اعتقدش ان هم لهم شغل الا احنا - 00:43:17

شغلهن احنا يعني عندهم وزايف وعندهم شغل كده وبيتشغلوا فيه وبعدين لما في وقت فراغهم يتسلوا علينا مش عارف بس انا اغلب زني ان هم ما لهمش شغله الا احنا - 00:43:37

عند مسلم من حديث جابر ابن عبد الله سيدنا النبي يقول ايه ؟ صلى الله عليه وسلم. ان ابليس يضع عرشه على الماء ثم يبعث سراياه الناس فاقربهم منه منزلة اعظمهم فتنه - 00:43:52

تناسب عكسي قرب وبعد فاقربهم منه منزلة اعظمهم فتنه يأتي احدهم فيقول ما زلت بفلان حتى فعل كذا وكذا. يقول ما صنعت شيئا ف يأتي احدهم فيقول ما زلت بفلان حتى فرقت بينه وبين امرأته - 00:44:13

فيقول نعم انت ويدنيه وفي رواية فيلزمه وكما قال صلى الله عليه وسلم اهي دي الشماتة بقى شفت التناسب ؟ القريب من ابليس

قوى اللي فتنته عظيمة جدا فتنته بسيطة ما يقربش يبعد - 00:44:40

يبقى لما تبقى عزيمة يقرب يبقى هيفاء يبعد هنا بقى الشماتة نخلي بانا منها شماتة الاعداء دول ماتوا بنا اية او عى تكون على منهج وتسبيه هيشرمتوا بك زي ما بقول لك انا كده كنت بتقيم الليل بطلت - 00:45:05

زي رمضان كده. مقيم الليل في رمضان. طب وبعد رمضان؟ اجازة كل سنة وانت طيب لما ييجي الثاني يشرمتا الاعداء بقى الزاهرين كله يشرمتا الحديث اللي معنا بقى عامة كبيرة قوي على فرحة انا عاوزك تتخيل برضو معي ابليس - 00:45:27

وهو حاطط العرش بتاعه يعني الكرسي اللي بيقعد عليه. الا هو بيقعد على الكرسي؟ اه اللي هو حيز حاجة اه هو جيش فاهم ابليس ده وهم لا ابليس ده كتلة حاجة كائن. كائن حي وبيتغزى وكده يعني - 00:45:46

ماء الحي وله حقوق وله حيز. يقعد. بس احنا مش شايفينه يقعد على الماء اي ماء او ماء الله اعلم بقى حطوا المحيط الاطلنطي المحيط الهندي الهادى اهو مية وبس المهم قاعد ومسلط الایه - 00:46:01

الجنود ينتشروا في العالم ما علينا بقى الدول والبلاد اللي ما فيهاش اسرة ما تفرقش معنا لان ما ايه الحديث ما يقصدش دول حديث ما يقصدش دول. يقول لك فرقت بينه وبين امرأته. طب وهم العيال في اوروبا ما لوش مرة اصلا. هو لخادنا وعاشرة كل واحد له كذا حاجة كده - 00:46:18

مش هي دي مش هي دي بيقى المقصود مين بقى الاسر؟ بيقى الشغل فين؟ شغله على البيوت المسلمين. في الجزئية دي في الحديث ده والمسلمين مين ؟ المسلمين الصح اوبي - 00:46:38

قوى دول بقى يبقى الشغل عليهم شديد قوي المسلمين اللي هم ما تفرقش معه يتجوز على المصطبة ويطلق على المصطبة وتروح في ستين داهية وكل الكلام دا برضو ما تفرقش معه قوي - 00:46:52

انما عاوز دول البيوت اللي متماسكة دي عاوزين نهدها بقى. ياللا ياد انت وهو ينتش يجي واحد يقول انا فضلت وراء فلان لما اشوف شرب خمر وسكر وخد السكينة وضرب ابوه موته - 00:47:06

ايه ده اللي انا عملته ده لما اقول لك لا يالا انت هات ايه كلام. انت لسة بدرى عليك يجي واحد تاني يقول له جريمة تانية يقول له لا لا - 00:47:23

ما يفرحش وينبسط. اهي الشماتة اهي بقى. الا لما يجي له واحد يقول لهم فضلت وراء فلان لما فرقت بينه وبين مراته تعال هنا يلتزموا يعني ياخدوا بالحصن او يقول له انت اقعد هنا. طبعا عشان يقعد جنب ابليس دي حاجة كبيرة قوي في عالم الجن يعني وعالم الشياطين. حاجة كبيرة اوبي. لان هو شف بينه وبينه فرق السن - 00:47:34

يعني فرق السن بين الواد ده اهو الواد الابليسي ده وابليس الاف السنين وخبرة ايه بقى و بتاع ليه السواد ابن امبارح بقى له عايش من امتي انت انت. تعال اقعد هنا - 00:47:56

فاحنا بنشتمتهم بقى. انا عاوزك تتخيل فرحته. وهو بيقرب ابنه او حفيده تعال هنا جنبي يا والا. عشان عمل ايه عشان الاستاذ المثقف البكالوريوس اللي مش عارف ايه الدكتوراه اللي اللي - 00:48:10

فضل وراه لحد قال لها دوت في ستين داهية لا تعرفيوني ولا اعرفك وبعدين مؤدب منهم يقولوا لك ايه ؟ يقول لك زي ما دخلني بالمعروف نخرج اه انت دخلت بالمعروف اصلا - 00:48:25

ايه المعروف انت دخلت به؟ ده انت الدخول من اوله منكر. اصلا ويقول لك مش ربنا حل الطلاق؟ اية يا سيدى ماشي كل ده ماشي بس انت ايه ايه عارف معنى الجريمة دي ايه ؟ يعني الشيطان فرحان بها اوبي فلا تشرمت بي الاعداء. الكلام ده موجه يا اخوانا للباء والابباء والازواج وكله - 00:48:38

يعني انت لما تيجي تستعجل على طلاق بنتك يعني عشان قالت لك ده قال لي يا بنت الكلب السلم اكبر راس في البلد بتتشتم في غيابه تلات مرات ردت عليك انت - 00:49:00

ما انت قلت لمراتك زمان يا بنت الكلب وعشت وخلفت. ايه المشكلة والله ما تشرب هناك شوربة مية يا عم روق كده لما اشوف قال

مش جايز بنتك اللي طلعته عن شعوره وكرهته في الدنيا كلها لكن مسلا يعني لا لا هو قال لي يمسك في الكلمة الآخرانية. وخلاص
وما فيش معيشة. ويجبوا له الرجاله ونبوس راسك ونبوس رجليه. انا قلت كلمة - 00:49:34

بعد الحوار ده يخلص يقوم الواد خلي بالك الواد بقى اللي هو الواد الابليسى. قاعد في الليلة من اولها وبيشوف مين ممكن يهدى
بيعده. مين يطلع يجيبيه. الكلمة اللي هه يقولها ويذكر بها - 00:49:50

خلي بالك يعني الكلمة اللي تولع الموقف يذكر بها. والكلمة اللي تهدي لأ. وعشان كده الرسول قال لنا يجوز الكذب في الاصلاح. لا لا لأ
هنا بقى الصدق الواد الشيطان بقى اللي هو متبني الموضوع يفضل وراه لحد ما يطمئن ان هي اطلقت بالثلاثة. سواء بقى ركبها ركبها
ركب - 00:50:07

ابوها ركب امها ركب ابوه ركب امه اي حد المهم في النهاية بوصل للايه؟ للمحصلة. بتوع الاحصا بيقولوا عليها قال كل ست دقائق
طلاق وانتم بتفرحونا ان كل الست ده هي طلاق. منكم لله يا بعدا - 00:50:29

مین السبب في كده مین السبب؟ فرحونا ان كل ست تدابق. طب هنعمل ايه هنروح فين ونجي مین؟ ما تخفاوا. الناس تتعلم شوية
يدوا فرصة للناس. الناس تخش المدرسة تتعلم. تمشي في الشارع تتعلم. تروح المساجد تتعلم - 00:50:45

ينزلوا في الاسواق يتعلموا يروحوا النادي يتعلموا في كل مكان نعلمهم انما لأ ده كل ست دقائق ده كله كنت سلت سوانى. فالشاهد يا
اخواننا ابليس بقى بيقى فرحان من الليلة دي كلها - 00:51:01

البيوت اللي عمالة تخرب والاسر اللي تقع في بعضها والكراهية والبغضاء والشحناه واللزم والى اخره هزا هو سيدنا هارون. خلاصة
الكلام بتاعه اللي بيقوله لسيدنا موسى هو بيقوله لنا احنا - 00:51:16

لان الكلام ده الله اعلم مكتوب في التوراة هو اللي مش مكتوب الله اعلم. لكن مكتوب عندنا في القرآن قولوا واحدا. فلا
تشتمت بي الاعلى فانت تخلி بالك من دي وتقبل نصيحة سيدنا هارون. واواعى تشمت الاعداء لا في دينك ولا في اسرتك ولا في
عملك ولا في عبادتك - 00:51:30

دائما تبقى فوق فوق ما تنزلش. عشان كل ما تنزل هيفرحوا. كل ما تخرب هيفرحوا فلا تشمت بي العذاب.
اخيرا وليس اخيرا. مات سيدنا هارون عليه الصلاة والسلام. ليه؟ انك ميت - 00:51:50

وانهم ميتون مات سيدنا هارون خلاص انتهت الرسالة هم ما زالوا في التين. العجل اتعبد وسيدنا هارون عمل اللي عليه وانكر وسيدنا
موسى ذي ما شفتم كان غضبان وعرف ان اخاه معزور فعفا عنه وسكت - 00:52:08

وقبل النصيحة واتوجه لمين للسامري وكان مكان اللي هو في قصة سيدنا موسى ما فيش داعي لتكراره حان الاجل وجاء اجل سيدنا
هارون يذكر الحكم في المستدرج عن ابن عن ابن عباس رضي الله عنهمما عن سيدنا علي ان سيدنا موسى وسيدنا هارون صعد الجبل
- 00:52:28

مات سيدنا هارون مات سيدنا هارون فرجع موسى الى بنى اسرائيل لوحده لقاء اتهموه لان سيدنا علي ذكر الكلام ده في تفسير قوله
تعالى يا ايها الذين امنوا لا تكونوا كالذين اذوا موسى فبرأ الله من - 00:52:49

مما قالوا وكان عند الله وجيه. لما رجع لوحده قالوا انت قتلت هارون من احب لنا منك واليئ لنا منك. انت غليز انت شديد. يعني
عاوزين يقولوا ايه يعني ما عدش حد ايه يحمينا. انت انت هتعمل فينا العمايل بقى - 00:53:10

انت قتلتة قال لهم ويحكم اخي كيف اقتلته وربنا سبحانه وتعالى امر الملايكة تحمل ازووه في هزا. دي ايزاء لسيدنا موسى. اتهام
بالقتل ليه انت ما عندكوش موت؟ ما شفتوش حد مات؟ ايوة فيه بس هو قتله. يا الله! قتله - 00:53:28

ازوه في ذلك يا ايها الذين امنوا تكونوا كالذين اذوا موسى. فامر الله الملائكة جابت سيدنا هارون جسه سيدنا هارون وطفت به على
مجالس بنى اسرائيل بيقعدوا هنا بيقعدوا هنا الجesse اهي الجesse اهي الجesse اهي - 00:53:46

تصدقوا ان هو ايه مات وما اتفتش فدفونه دفونا قبره طبعا هم فين اصلا؟ في التيه في التيه. فلما دفونه هم اصلا تايهين مش

عارفين لهم يمين من شمال كان واحد بس اللي يعرف - [00:54:01](#)

القبر وربنا اصمه وابكمه علشان بنبي اسرائيل ما تعرفش يعني مسلا دفنه في الحلة دي. على بعد مسلا كان هم قاعدين يوم يوم الجمعة كان في المكان وكانوا في المكان ده. ودفنه على بعد عشرين متر تلتلمي متر من المسافة دي - [00:54:20](#)

هم بكرة مش هيبيقوا هنا اصلا. هم مش هيبيقوا هم رحالين تيه تيه. تيه ما بين مصر والشام من هنا لحد بيت المقدس. من بلادنا المنطقه دي بقى هم كانوا جايين فيها بقى في المنطقه دي - [00:54:36](#)

من حدود مصر في الوقت ده وانت رايح بلاد الشام وهم في المنطقه دي هم اصلا تاييدين مش عارفين لهم مكان القبر ايه؟ ما تعرفش. جه العلماء اختلقو بعد كده. فين قبر موسى - [00:54:49](#)

قبر هارون عفوا ابن كسيير القرطبي كسيير من المفسرين قالوا ان هو مات في التيه ودفن بالتين اللي هو الارض اللي كانوا موجودين فيها اربعين سنة وقالوا ان هو مات قبل آا - [00:55:01](#)

قبل سيدنا موسى بثلاث سنين. وقول تاني بيقول بسنة مات سيدنا هارون قبل سيدنا موسى بثلاث سنين وقول بيقول انه مات قبله بسنة وسيدنا موسى مات امتى ؟ قالوا انه مات قبل ما يخرجوا اصلا من التيه خالص بشهرين - [00:55:19](#)

ايا كان بقى بس القبر الجموري على انه في منطقة التيه هي فين برضو حدود هائلة بعد ملش الله اعلم. كتير بعض العلماء قال ان هو دفن في جبل احد - [00:55:39](#)

لكن ابن حجر فيفتح الباري قال لأ الكلام ده غير صحيح طب هو ايه اللي وداه هناك؟ قالوا ان هو كان هو وسيدنا موسى رايحين مع مجموعة من بنبي اسرائيل يحجوا بيت الله الحرام - [00:55:55](#)

فمات في الحج في سيدنا موسى دفنه في احده قالوا الكلام ده ضعيف. هو مات في التيه ودفن في التيه. صلوات الله وسلامه عليه اوصيكم واوصي نفسي بقبول نصيحةنبي الله هارون. فلا تشمط بي الاعداء. اللهم رددنا الى دينك ردا جميلا. اللهم رددنا - [00:56:09](#)

الى دينك ردا جميلا. اللهم رددنا الى دينك ردا جميلا. اللهم انك عفو تحب العفو فاعف عننا وعن والدينا وعن من له حق علينا. اللهم اغتنا بالعلم والحلم واكرمنا بالتقى وحملنا بالعافية. ربنا من ارادنا وديننا وببلادنا بخير فوفقه لكل خير. ومن ارادنا ودين - [00:56:30](#)

وببلادنا بسوء فاجعل كيده في نحره واجعل تدميره تدميره. اللهم اشف مرضانا وارحم موتانا واهلك اعداءنا. امين امين وصل اللهم وسلم وبارك على نبينا محمد اذكروه الله يذكروكم واشکروه على نعمه يزدكم واقم الصلاة - [00:56:50](#)